

四庫全書

集部

欽定四庫全書

雞肋集卷十八目錄

律詩

自蒲赴湖至板橋逢杜謀伯

和石明叔喜雪

次韵韓求仁南臺朝請晚過南湖見寄

再用前韵和荅

用前韵荅李行正教授

次韵和求仁不赴照碧堂會呈無愧之作

求仁復示怨句次韵

元符戊寅與无斁弟卜居緡城東述情

次韵信守李柜二首

再和嘉父見貽

次韵嘉父喜雪

次韵信倅練定夢雪中過王侍郎

次韵李柜靈山亭宴集寵戲之句

次韵李秬梅花

次韵李秬祥符軒

次韵李秬重修宴亭

次韵李秬新菴

次韵李秬新移牡丹二首

次韵李秬約賞牡丹

次韵李秬雙頭牡丹

次韵李秬賞花

次韵李秬酴醾

立春日呈通守資通直

題文潛詩冊後

次韵杜天達見寄

景修二十歲褒為鄉舉之首晚乃尉青田無不  
遇色其里人晁補之為賦五十六字以別且  
勉之

赴元老劉元之集呈十二朝請十五推官二叔

父鯁呈元老邦式諸公

次韵棠美甥晝眠

和王定國見寄

和歐陽宣德經野步

鷄肋集卷十八目錄

欽定四庫全書

雞肋集卷十八

宋晁補之撰

律詩

七言

自蒲赴湖至板橋逢杜謀伯

二年兩度踏京塵，猶喜常逢杜子春。  
文學老來從舊日，金蘭同好更何人。  
身慙隨檄終難彊，計欲歸耕未敢陳。  
正是桃花紅似血，不應無酒但霑巾。

和石明叔喜雪



解凍南風故未熏  
六英先歲舞車塵  
盡消日觀千巖雪  
初破江梅一萼春  
立召金閨通籍客  
更呼花豔大堤人  
使君日飲無功業  
同樂何妨亦為民

次韵韓求仁南臺朝請晚過南湖見寄

浮花浪蕊信東西  
何許尋芳去自遲  
流景不須驚石火  
寸田應已長瓊枝  
想君清興聊堪發  
遺我憂心久欲夷  
便作崔丞日臨水  
鳬行擿尾不須知

再用前韵和荅

當時同赴飲城西傾蓋論心已恨遲湖海可無年少氣  
雪霜還有歲寒枝功傳汗竹藏王府詩入文弢動島夷  
不會書生安用此眼前曉固未曾知

用前韵荅李行正教授

見我淮南被召西重來學館尚棲遲未容小隱通三徑  
聊可卑飛共一枝飲罷玉山方突兀賦成筆陳已淫夷  
霜荷葉歎青衫舊聞子修身自畏知

次韵和求仁不赴照碧堂會呈无愧之作

政成歡誦沸田萊留鑰雍容更上才  
繚郭平湖從管好倚天朱檻為誰開  
曳裾況是他年舊倒載何妨盡日陪  
自有登高能賦客可容清坐詠南臺

南臺靜坐一壺香見傳燈錄

求仁復示怨句次韵

聞說高情久次寥  
繫維誰與永今朝  
五車猶累方書好  
萬物先從辯說彫  
已向季咸心獨醉  
更緣順子意都消  
清秋壁月涼如水  
莫遣纖雲翳紫霄

元符戊寅與无斆弟卜居緡城東述情

四海一居何處卜北窗祇取見家山要無名利來心曲  
便有園林出世間拙宦莫興三黜歎老歸未厭百年閑  
先君餘慶期之子吾駕如今不可還

次韵信守李拒二首

誰榜鈴齋作面山晦明終日卷簾看賦成夜燭纔銷寸

衙退朝曦未半竿枉渚孤吟愁旅雁

以况薄宦

蘓門雙嘯駭

朱鸞

以况二公贈酬

平生五袴何須詠一借黃鍾變谷寒

愛山何必埃歸山簿領忙時撥置看閭闔自應行發軔

珊瑚終未拂坐竿樽中屢許陪文舉  
廡下猶堪寄伯鸞  
便作功成同范蠡  
白鷗盟誓不教寒

再和嘉父見貽

使君心賞在高山  
櫟社寧煩匠石看  
能似鼠多愁渡谷  
仕如鮎鈍笑緣竿  
見歸田錄  
威儀披霧窺文豹  
音韻當衡聽  
玉鸞曾共廣陵花  
下醉綈袍應歎一何寒

次韵嘉父喜雪

六出先春兆物華  
故撩高韵發車斜  
散榆天上齊飛策

布玉畦中盡吐芽  
梁苑俊遊風不極  
剡溪清泛月無涯  
雄豪樂事幽人詠  
都屬江南太守家

次韵信倅練定夢雪中過王侍郎

夢覓毗耶看雨華  
玉城銀澗過縈斜  
乍疑霧廓千峯障  
未覺雷驚萬谷芽  
碧落清談元物外

上貳卿

金閨高興共

天涯

上貳車

寒雞喚起新詩就  
誰憶袁安正卧家

次韵李拒靈山亭宴集寵戲之句

勝游誰繼竹林賢  
峴首高情自邈然  
寶剎千尋出天半

靈山三面落樽前  
梅花摘得寧煩驛  
桃葉呼來不用船  
南楚何須說窮巷  
且陪鈴閣聽鷗絃

古詩桃葉復桃葉渡江不用楫

次韵李秬梅花

寒巖幽霧不曾開  
殘雪猶封宿草荂  
一萼故應先臘破  
百花渾未覺春來  
慙非上苑青房比  
誤作唐昌碎月猜  
常恨清溪照疎影  
橫斜還許落金盃

次韵李秬祥符軒

雲端紅粉拊雕欄  
謝守綸巾語笑間  
游客乍驚人外境

居僧初識面前山暫來猶足畱公賞借與真堪著我頑

鈴閣多餘賓從少誰教

平

鉅盜不曾閑

補之  
自謂

次韵李秬重修宴亭

壁間雙記快沈冥山畔譙門水畔亭相國名因稽古白  
使君眼為好賢青廢堤不復風搖柳新檻依然月滿汀  
羈旅從公厭游樂欲圖佳致作幽屏

次韵李秬新菴

無心何用說心灰庵在青蘿綠篠隈自可談間公事了



不妨閑處道書開更攜邀月清樽上只著登山小屐來  
桃李他年應勿剪使君嘉譽在閨臺

次韵李秬新移牡丹二首

使君著意與深培為向吳宮好處來得地且從三月暎  
明年應更十分開  
溱傍芍藥羞香骨江裏芙蓉妬豔腮  
雲雨鴻龍摠非比沈香亭北漫相猜

笑倚東風幾百般忽疑洛渚在江干玉容可得朝朝好  
金盞須教一一乾  
送目漢皋行已失斷魂巫峽夢將殘

七閩溪畔防偷本四照亭邊更著欄

次韵李秬約賞牡丹

天紅濃綠總教回更待清明穀雨催一朵故應偏晚出  
百花渾似不曾開常誇西洛青屏簇久說南滁紫線堆  
任是無情還有意不知千里為誰采

次韵李秬雙頭牡丹

寒食春光欲盡頭誰拋兩兩路傍毬二喬新獲吳宮怯  
雙隗初臨晉帳羞月底故應相伴語風前各是一般愁

使君腹有詩千首為爾情如篆印繆

次韵李拒賞花

天香國色競新奇初過清明未覺稀  
困舞尚迎風嫋嫋醉粧猶弄日暉  
暉飄零洛下千金價慙愧江南百草  
菲謝守多才最憐爾百篇能伴羽觴飛

次韵李拒酴醿

天紅瑣碎競春嬌後出何妨便奪標  
雲鶴嬉晴來萬隻玉龍驚震上千條  
蓐收晃蕩風前仗萼綠飄翩月下綃

會向瓊林亭畔見天涯相遇一魂銷

立春日呈通守資中通直

搖軒柳態未應還正在憑高望遠間一夜春風吹北渚  
清晨佳氣滿南山動頭樂事從今數信手詩章不放閑  
但惜濰陽蔡公子鶯花爛漫向京闕

題文潛詩冊後

君詩容易不著意忽似春風開百花上苑離宮曾絕豔  
野牆荒徑故幽葩愜心芻豢非雜俎墜世江河自一家

頭白昏昏醉眠處憶君頻夜夢天涯

次韵杜天達見寄

冷屋寒舟兩處懷一封歸信隔年開  
愁容頓與河冰泮佳思先隨岸柳來  
射雉更甘忘我矢畫蛇何怪奪君杯  
端知雪裏清吟好未減山陰興盡回

景修二十歲衰為鄉舉之首晚乃尉青田無不  
遇色其里人晁補之為賦五十六字以別且  
勉之

一尉三千五百里  
管人常已歎沈英  
陸機文賦成童妙  
梅福官資向老清  
盡說江山多勝事  
且臨風月慰高情  
它年見我長安道  
貨藥無心更避名

赴元老劉園之集呈十二朝請十五推官二叔  
父兼呈元老邦式諸公

故鄉等作異鄉愁  
常笑吾生不自謀  
百日狂風春草草  
十年歸夢客悠悠  
倦游情話陪諸父  
老罷親鋤學故侯  
得坎乘流兩皆可  
名亭應不用三休

次韵崇美甥晝眠

炎歊暫卧北窗凉更覺甘如飫稻梁  
宰我糞牆譏敢避  
孝先經笥諠兼忘憂虞心謝知更雁  
安穩身如掛角羊  
要識熙熙不爭競華胥別是一仙鄉

和王定國見寄

請說當年王武子淮南別棄謫仙人  
自從金馬還通籍  
直恐瓊花便不春遺愛誰方府中步  
舊時獨埽壁間塵  
平山送目思公子自許詩成覺有神


和歐陽宣德經野步

時入汴流

遡風何敢祝淮神  
青律飛灰氣自醇  
顧我衰容唯殢酒  
因君佳句始知春  
山中桂子年年好  
觀裏桃英日日新  
延對彤廷須努力

時歐陽君方就引對

詹生學問及昌辰





雞肋集卷十八

欽定四庫全書

集部  
雞肋集卷

十九至  
二十二

詳校官庶吉士<sub>臣</sub>初喬齡

侍讀<sub>臣</sub>孫球覆勘

覆校官主事<sub>臣</sub>李駿

校對官中書<sub>臣</sub>王鍾泰

謄錄監生<sub>臣</sub>熊廉

欽定四庫全書

雞肋集卷十九目錄

絕句

國子監算婦

荅李令

身世謾悠哉

禱雨宿九曲池三首

譙國嘲提壺

書周開祖子抱一發願文後

和荅魯復一高士

讀易

題宗室大年畫扇四首

閻子常求琴絃

濱州道中四首

館宿

季夏即事



雞肋集卷十九目錄

欽定四庫全書

雞肋集卷十九

宋 晁補之 撰

絕句

五言

國子監算婦

杖屨清晨往，縑囊薄算歸。  
閑官廳事冷，蝴蝶上堦飛。

答李令

知音慙李令，問我復何為。  
道義惟添睡，功名只有詩。

身世謾悠哉

身世謾悠哉  
田園首重面  
春來亦何事  
忽忽歎庭槐  
  
禱雨宿九曲池上三首

微月淡蕪城  
飛螢縱復橫  
蛙魚涼亦樂  
跳港觸荷聲  
  
荒城孤絕處  
猶指玉鉤亭  
涼月偏宜上  
江南山更青  
  
同輦笙歌地  
荒池風露天  
無心更懷古  
涼夜正甘眠  
  
譙國嘲提壺

何處提壺鳥  
荒園自叫春  
夕陽深樾裏  
持此勸何人  
  
書周開祖子抱一發願文後



欲愛生諸穢俱盛一革囊應從持犯入當發紫金光

和荅魯復一高士

四觀以為隣朝霞以為竈贈我不知名千古巖下草

讀易

學不到忘言崇朝守韋編使我能解化此物為蛇蟬

題宗室大年畫扇四首

柳動燕初來波生雁將去惟有小崧高蒼蒼自如故  
鸚之仍鵲之爾名今是非人言不踰濟何事滿苔磯

西風入叢竹，慘澹帶秋陰。  
驚起中泚雁，衝陽萬里心。  
王孫蘊奇意，紈素澹雲煙。  
借與王摩詰，含毫思邈然。

閻子常求琴絃

先生三尺琴，斷絕絃上音。  
欲求鳳喙膠，弱水毛猶沈。

濱州道中四首

六言

身隨符檄塞壘家，與琴書鄴都。  
白酒清談憶汝，黃花佳節愁予。

月墮孤村露合，日出高原霧開。  
道逐故河西去，人將新

雁南來

三徑蔣生里第再見虞君客卿多病增予歸思少年許  
子高名

林下囊裝夙興雲間鴻雁悲鳴行役正嗟予弟言旋當  
復諸兄

館宿

殘雪封條未乾蘭臺襪被春寒斜日房櫳吏散鳴鳩飛  
下欄干

季夏即事

紅葵有雨長穗青  
棗無風壓枝溼  
礎人霑汗際蒸  
林蟬  
烈號時

雞肋集卷十九

欽定四庫全書

雞肋集卷二十目錄

絕句

新城塔山對雨二首

同柳戒之夜過三學院

汴堤暮雪懷徑山澄慧道人

送李知章下第歸河北

曉發長蘆

晚雪示閻仲孺

村居即事

流民

先塋治事歸

陌上花八首

外舅杜丞永城守水作詩寄呈

都門

甘雨

約李令

和胡戢七首

坐進菴

張傑以龍茶換蘇帖

和王拱辰觀梨花二首

次韵兩蘓公講筵唱和四首

復至凝祥池上

題工部文侍郎周翰郭熙平遠二首

呈文潛

和文潛

謝王立之送蠟梅

和文潛試院道舊

夜間慎思吟諷

赴廣陵邑中三首

出城三首

揚州雜詠七首



題僧法芝鍾山詩後

復和定國惠竹皮枕謹句

和荅曾敬之祕書見招能賦堂烹茶之句二首  
守蒲過洛思十歲時侍先君寓居泣涕成詩二  
首

澠池道中

次韵提刑毅父送茶

次韵閻仲父病起二首

雞肋集卷二十目錄

欽定四庫全書

雞肋集卷二十

宋 晁補之 撰

絕句

七言

新城塔山對雨二首

山外圓天一鏡開  
山頭雲起似浮埃  
松吟竹舞水紋亂  
坐見溪南風雨來

竹枝草履步蒼苔  
山上孤亭四牖開  
烟雨濛濛溪又急  
小蓬時轉碧灘來

同柳戒之夜過三學院

步月尋溪過佛齋溪邊石蘚溼芒屨虛窗獨卧聽松竹  
半夜一山風雨來

汴堤算雪懷徑山澄慧道人

朔風吹雪亂霑襟走馬投村日向沈遙想道人敲石火  
冷杉寒竹五峯深

送李知章下第歸河北

鬪雞擊劍鄴王臺萬古英雄死不埋子去悲歌宜有和

露螢白首亦常材

晚發長蘆

舩頭勾曲洪濤外  
舩尾長蘆白霧中  
千里山容初上日  
一江帆影盡乘風

晚雪示閻仲孺

拂檐點砌靜如沙  
無限寒林頃刻花  
明日窮檐深一尺  
不知何處覓袁家

村居即事

金少正 卷二十  
十載京塵化客衣故園榆柳識春歸  
深村芳物無由覓  
蝴蝶雙尋麥隴飛

流民

生涯不復舊桑田瓦釜荆籃止道邊  
日算榆園拾青莢  
可憐無數沈郎錢

先塋治事歸

先人管慕栖山樂賤子今懷陟岵悲  
柏葉初生石牆短  
况無金帶買豐碑

補之方謀葬先子  
家貧未能故及也

陌上花

事見蘇  
先生詩

郊外金駟步帳隨道邊遊女看王妃內官走馬傳書報  
陌上花開緩緩歸

朝雲暮雨山頭宅暖日晴風陌上花絳幕何妨行緩緩  
送春歸盡妾還家

娘子歌傳樂府悲當年陌上看芳菲曼聲更緩何妨緩  
莫似東風火急歸

荆王夢罷已春歸陌上花隨暮雨飛却喚江船人不識

杜秋紅淚滿羅衣

吳歌白紵怨芳菲  
腸斷懷王去不歸  
陌上如今小花伴  
山前山後白鷗飛

臨安城郭半池臺  
曾是香塵撲面來  
不見當時翠輦女  
今年陌上又花開

雲母蠻牋作信來  
佳人陌上看花回  
妾行不似東風急  
為報花須緩緩開

陌上偷來為看花  
饒聲鶯鷁莫天斜  
犢車緩緩隨芳草



不去桃源阿母家

外舅杜寺丞永城守水作詩寄呈

雪消冰動看通津  
草長江南岸  
岸春莫唱龍舟五更曲  
揚州楊柳解愁人

都門

飄零何處是生涯  
瘦馬都門踏落花  
芳物攪心看不得  
綈袍遮眼畏風沙

甘雨

曖曖轟轟有物催端如鬼駕北溟來百昌一種得甘雨  
蛇不耆乾茗卵推

古語云一蛇耆乾獨不得甘雨

約李令

茅檐明月夜蕭蕭殘雪晶熒在柳條獨約城隅閑李令  
一盃山芋校離騷

和胡戢七首

達則經綸隱著書管人於此孰親疎王通持底荅揚素  
汾曲先人有敝廬

相逢樽酒未辭深握手盱眙十載心車馬淒涼人夜別  
出門落月與橫參

聞說歸心已浩然蘇門況有子雲廬廣文不去慙官長  
繫馬堂階要酒錢

住近蘇門有白雲閉關却埽道逾尊相逢不語忽長嘯  
今日豈無人姓孫

時平未用入山深歲晚何妨木秀林聞說熊羆參後葉  
可容牛下有哀吟

千首清詩競夜長  
真成蝴蝶為春忙  
莫教流落人間少  
雷電它時下取將

少時豪氣恨沈淪  
繆意詩書可庇民  
長笑壯年無一事  
微吟只有故人親

坐進庵

海魚水擊三千里  
決起還須九萬程  
坐進菴中纔一步  
初無行處若為行

張傑以龍茶換蘇帖

寄茶換字真佳尚此事人間信亦稀  
它日封厨失雙牘  
應隨癡顧畫俱飛

和王拱辰觀梨花二首

海棠十韵詫芬芳慙愧梨花冷似霜  
賴有樂天春雨句  
寂寥從此亦馨香

壓沙寺裏萬株芳一道清流照雪霜  
銀闕森森廣寒曉  
僊人玉仗有花香

次韵兩蘇公講筵唱和四首

白髮歸聯侍從榮未應江海歎飄零禽魚不與釣天觀  
想見群龍舞洞庭

李公素譽壓朝端會汴龍門鬣未乾雖愧彭宣惟賜食  
未慙貢禹亦彈冠

纘服憂勤未有言諸儒經術侍彤軒九疇咸叙今天錫  
三畫何人答夢吞

金玉誰人詠德音太平無象屬人心日高初散露門講  
天上五雲宮殿深

復至凝祥池上

去歲相攜此地遊  
西風墜果奉靈湫  
春工變化渾無跡  
紅滿枝條綠滿洲

題工部文侍郎周翰郭熙平遠二首

漁村半落楚江邊  
林外秋原雨后天  
誰倚竹樓邀大鴈  
天涯暮色已蒼然

洞庭木落萬波秋  
說與南人亦自愁  
欲指吳松何處是  
一行征雁海山頭

呈文潛

無計河西尋杜家海棠空詠去年花煩君為謝郭少尹

欲買纏頭迎犢車

郭明遠妓尤知名

和文潛二首

阮籍空貪步兵酒陽城猶戀集賢書飽知世事非人力  
可是因玄更泊如

索米彊知當世策種芝欲訪隱人書未應只有鄰邦約  
投老相看事事如



謝王立之送蠟梅五首

未教落素混冰池且看輕黃綴雪枝越使可因千里致  
春風元自未曾知

恐是凝酥染得黃月中清露滴來香定知何遜牽詩興  
借與穿簾一點光

上林初就詔羣臣紫蒂同心各自新誰見小園深雪裏  
破春一萼更驚人

詩報蠟梅開最先小匳分寄雪中妍水村映竹家家有

天漢橋邊絕可憐

去年不見蠟梅開  
淮擬新年恰恰來  
芳菲意淺姿容淡

憶得素兒如此梅

立之家  
小鬟

和文潛試院道舊

璧月照歌淮上舫  
姚花引醉福昌城  
何如閭闔門西北  
卧聽秋風枕畔聲

夜聞慎思吟諷

疎林小雨月朧明  
商頌琅琅半夜聲  
鄧子弓彊殊未發

欲馳桑本犯堅城

赴廣陵道中三首

醉卧符籬太守亭別都絃筦記曾稱淮山楊柳春千里

尚有多情憶小勝

南都留守使雙鬟  
勸酒小勝其字也

急鼓鼙鼙下泗州却瞻金塔在中流帆開朝日初生處

船轉春山欲盡頭

楊柳青青欲哺鳥一春風雨暗隋渠落帆未覺揚州遠  
已喜淮陰見白魚

出城三首

視邵伯  
埭新堤

桃欵呈紅柳弄陰  
麥田青已沒  
鞦深春堤細  
雨籃輿溼  
婆餅焦聲在竹林

故國龍舟休水調  
高城雉堞尚雲間  
蜀岡朝雨如輕霧  
不見春江草外山

堆案文書無了畢  
竝堤舩舫且縈回  
非關董役年年事  
自為春郊得得來

揚州雜詠七首

舶商不入古鹽溝  
疏鑿纔爭土一抔  
未說興圩灌田事  
且還歌吹舊揚州

雷陂新作麥田荒  
曾說風興沒兩郎  
誰似當年李刺史  
春波還引句城塘

欲穿九曲通淮水  
只費春夫數日工  
但見荷花三十里  
何須更有大雷宮

蜀岡茶味圖經說  
不貢春芽向十年  
未惜青青藏馬鬣  
可能辜負大明泉

阜英村南三里許春江不隔一程遙雙堤鬬起如牛角  
知是隋家萬里橋

龍興寺裏青雲榦后土祠中白雪葩五百年間城郭改  
空留鴨腳伴瓊花

楊徐僭盜雄圖熾高呂陵夷霸氣闌猶有崑岡作龍虎  
千秋原廟奉衣冠

題僧法芝鍾山詩後

明珠出袖四百琲座有煙霞草木香斷取鍾山擎石掌

邨知不下淨名床

復和定國惠竹皮枕謔句

老來山水興彌深不在長安俠少林  
它日只為林下計不將錦被作呻吟

和荅曾敬之秘書見招能賦堂烹茶二首

玉泉吟鼎月隳輪姑射風標兩絕塵  
只欠何郎窓畔雪戎葵為我作餘春

一盤分來有越春玉溪小暑却宜人  
紅塵它日同回首

能賦堂中偶坐身

守蒲過洛思十歲時侍先君寓居泣涕成詩二

首

建春門外柳依依  
迸淚當年綵服嬉  
窮子更無逢父日

匿王空記看河時

先君欲築伊川意  
四十年間萬事非  
他日一厘從可卜

白頭持此欲安歸

澠池道中



虎狼敵國易良圖望見將軍要引車不畏秦彊畏廉頗  
古來只有藺相如

次韵提刑殺甫送茶

魚羔煮餅漸宜秦愁絕江南一味真健步遠梅安用插  
鷓鴣金盞有餘春

次韵閻仲甫郎中病起二首

伏波七十老鰲弧薏苡何曾適病軀高臥輸公無一事  
評詩校畫是功夫

脫略軒裳陶隱居肘書有卷事寧軀扶苓日長東山澀  
早晚柴車命僕夫

雞肋集卷二十

欽定四庫全書

雞肋集卷二十一目錄

絕句

東皋十首

即事

望金陵

金陵南數十里江心烈山崒然特起猶金山也

家人云安得隱於此作一絕

采石李白墓

宿采石追懷沈邱叔父

過銅陵南望九華

連日順風

皖口遭風

馬當風濤中

大風過彭浪磯

題彭郎小姑祠

江心望彭澤作

過分江口

湖口

大孤山祠

題廬山

開先寺前望瀑布

栖賢寺三峽橋

舊說廬山有紫芝田百畝人莫得見偶於開先

栖賢林中步兩日各得一枝正紫如玉戲成  
宮亭神甚靈云有婢名如願以借客有所求叩  
如願即獲神又能於湖心分風使上下各得  
順風故劉刪詩云回艫棄派水舉棹逐分風  
彥魯適字號卷余擢為開封第三用彥魯韻  
孔雀院後蒙泉

貴溪徐氏招隱園昔王表避亂居此山依之者  
數千家其詩云逍遙入南斗者也

遇赦北歸

移竿山五杉歸植里第

皖口寄懷前太守陳公度

鍾山有石故名

初上安仁灘清見毛髮其中奇石五色可掇拾  
也從縣令借圖經溪曰雲錦溪村曰玉石村  
弋陽道中

齊山怪石森聳其西峯曰小九華

次韻無極以道寄金山寺佛鑑五絕

清口懷應書時雪中舟行

舟中即事

魚溝遇大水

祝家墩阻水旦起舟人云天上風花順矣作一

絕

懷緡居

欲求閒局理舊學作



初望廬山

由開先萬杉栖賢羅漢入城南康守云惜君未  
至紫霄峯也因以此答

望香爐峯

題周庶彥所收李甲畫三首

鵲

雁

鴨

松菊堂讀史五首

仲光寄紵袍

寄家人

雞肋集卷二十一目錄

欽定四庫全書

雞肋集卷二十一

宋 晁補之 撰

七言絕句

東皋十首

屋名盡掛陶家榜人物應慙菊畔身  
解作文章肯歸去不應陶後說無人

郭外朝陽一巷斜青槐廳事帶邱麻  
路逢扶轡雙童問不是城東太尉家

小閣高原最上頭下床莫遣許公差如今老罷欄邊意  
不是元龍百尺樓

壁間最好營邱筆臥看三峯憶舊過夢入幽林小谿去  
絕勝千騎向南柯

新植青桐小徑成兩行萱草一時榮春風百卉芳菲盡  
長夏幽花却稱情

登登策策不須呼時動圓荷觸短蒲五步濠梁亦堪樂  
相忘何必是江湖

四海萍逢兩弟兄百年膠漆幾張陳紅塵陌上相逢子

華髮林間偶坐身

屬无  
穀

尺五城南未足高只今小杜更飄飄算烟疎雨從君勝

王子文楸聽我饒

屬天  
達

李君禪味詩情裏解作黃金不潤身目斷白衣檐酒闌

何妨聊破一罇春

屬子  
宜

城市何妨亦隱淪賈君無意向紅塵東臯瓜豆如雲處

憫我幽棲不卜鄰

屬煥  
叔

即事

半刺還為權刺史  
朝衙不坐坐鈴齋  
案頭通事通何事  
昨夜東園芍藥開

望金陵

龍盤虎踞望南津  
餘烈崢嶸尚霸陳  
醉著不知風揭屋  
可能楊素是江神

金陵南數十里江心烈山崢嶸然特起猶金山也  
家人云安得隱於此作一絕

山如浮玉一峯立江似海門千頃開我欲此中成小隱  
莫教山腳有船來

采石李白墓

客星一點太微傍談笑青蠅玉失光載酒五湖狂到死  
只今天地不能藏

宿采石追懷沈邱叔父同應詔渡此今二十七  
年矣而叔父謝世補之方遠適泣涕成篇

二十七年前應詔黃昏同上木蘭舟江山依舊人琴寂

白首南遷淚迸流

過銅陵南望一山高出雲上奇秀可駭余未嘗

至江南遽曰此九華也問之言是

雲端忽露碧孱顏如髻如簪縹緲間驚駭舟中齊舉首  
不言知是九華山

連日順風

昔日肩吾上國行魚龍黑浪自堪驚我今顚顚西風隱  
却是江神不世情



皖口遭風

欵起驚濤渺去程扁舟三日滯長汀無心坐使羣鷗舞

莽眇吾知未可棄

莊周云棄莽眇之鳥出六合之外

馬當風濤中

從祖昔為州別駕上書嘗欲徑樅陽棄危更覺思遺跡  
慙愧篙師戒馬當

大風過彭浪磯

山東江窮方崕起江盤山過却重回無風此水常呼洶

正用風狂水鬪來

題彭郎小姑祠

山與磯名從地志姑兼郎號出江民  
世間稱謂無真實聞說雙祠自有神

江心望彭澤作

青山缺處大江奔江口山顏見縣門  
一世定無紆轡處故應來此著琴樽

過分江口

不行湓口更湖口明日廬山自此過猶恨西江不窮覽  
沅湘聞道亦無波

湖口

彭蠡宮亭浸全楚號呼噴吐出喉中此間曠蕩無窮水  
何處還容地火風

大孤山祠

江吞湖卷氣俱豪崛起孤峯百仞高歸為嬋娟買絲屨  
却應還我所忘刀

題廬山

南康南麓江州北五百僧房綴蜜脾  
盡是廬山佳絕處不知何處合題詩

開先寺前望瀑布

白虹畫下崑崙頂半入青林久不回  
下洞水輪穿地底冰崖吼怒却重來

栖賢寺三峽橋

絕壁秋標天外劒深溪冬吼地中雷  
上宮未信無人到

朱閣飛從頂上來

舊說廬山有紫芝田百畝人莫得見偶於開先  
栖賢林中步雨日各得一枝正紫如玉戲成

一首

千古芝田人不到深林繼日拾瓊瑰從今為記晁夫子  
曾到芝田百畝來

宮亭神甚靈云有婢名如願以借客有所求叩  
如願即獲神又能於湖心分風使上下各得

順風故劉刪詩云回艫乘派水舉棹遂分風  
同舟自古無胡越南北東西路不同不問宮亭借如願  
只求四面與分風

彥魯邁字號卷余擢為開封第三用彥魯韻

寂寂醒醒誰得知萬重故紙壓須彌不緣饒舌豐干道  
拾得山間底小兒

孔雀院後蒙泉

檐頭山作屏當砌石眼泉為鏡照窗我亦因蒙如可擊

此泉從戶到西江

貴谿徐氏招隱園昔王表避亂居此山依之者  
數千家其詩云逍遙入南斗者也

鬼谷西來一丈清三山箕拱慰高情時平尚欲依王表  
南斗逍遙畢此生

遇赦北歸

山猶故險水猶奔無復前年濺淚痕自是人心隨境別  
櫓聲帆色盡君恩

移竿山五杉歸植里第

一邱一壑感歸心過盡青山幾茂林  
自載五杉如碧鳳欲看春雨舞庭陰

皖口寄懷前太平守陳公度

龍舒人

常愛東陵早拂衣我行曾不叩荆扉  
憑君天柱峯頭望看我扁舟幾日歸

鍾山有石故名

江上秋濤噴玉巖風鏤月鍊白雲  
絨為君一叩無人境



要聽洪鐘出萬杉

初上安仁灘清見毛髮其中奇石五色可掇拾  
也從縣令借圖經溪曰雲錦溪村曰玉石村  
行盡江南最遠山却尋千越上清灘秋晴雲錦溪中過  
玉石瑰奇一萬般

弋陽道中

千日千程不厭行一邱一壑可憐生常憂束縛名韁死  
鬪健尋山却稱情

齊山怪石森聳其西峯曰小九華

山上有山俱寵從谷中通谷更哈呀借君筇杖穿奇嶮  
直至西峯小九華

次韻無極以道寄金山寺佛鑑五絕

埋頭塵土欲忘年重過初禪第一天唯有兒童見河性  
不將老面共蒼然

不應無手是無拳且看毛端現四天似向吾家得消息  
鼓山餘響尚轟然

驚子猶應昧此緣室中那有久如天  
饒師擲過三千界  
浮玉西津故儼然

無極世緣如嚼蠟人言當住夜摩天  
此郎久學無生忍  
此事吾知否不然

鼓角聲中特地傳只今鼻孔已撩天  
不應常作裴休諾  
揜口何妨也默然

清口懷應書時雪中舟行

蚤歲單舟此水濱雲花都蔽引舟人  
重來五馬真何事

笑雪空成鬢上春

舟中即事

終日平沙望渺瀰  
青林何許近漁磯  
波衝側岸深蒲靡  
一點穿人翠碧飛

魚溝遇大水

沙行水宿幾江南  
石鬪龍求久已諳  
秋水故應旋面目  
順流東望為君慙

祝家墩阻水旦起舟人云天上風花順矣作一

絕

依依牛馬辨平沙三日扁舟近祝家  
明日揚颿應復駛  
蒸雲散亂作風花

懷緡居

自種雙桐已四年秋來匏瓠小籬穿  
上床不怕陳登歎  
我欲歸求許汜田

欲求閒局理舊學作

莫求致仕且分司此等劉伶笑婦兒  
投老寸陰如寸玉

從君了事只名癡

故園歷歷眼中分  
非禹誰教不入門  
何處功名有成遂  
玉初不獻足猶存

初望廬山

休說江南青未了一菴  
一徑可容身  
宦程正迫西風急  
未是廬山佇足人

由開先萬杉栖賢羅漢入城南  
康守云惜君未  
至紫霄峯也因以此荅

南康南麓江州北五百伽藍似蜜脾萬室千門俱面勢  
不應獨是紫霄奇

望香鑪峯

危樓曲徑羣岩遍蠟屐青鞵到處逢更上五峯雙劍表  
香鑪依舊半天中

題周廉彥所收李甲畫三首

上林花妥逐鶯飛愁絕江南雪裏時  
嚙惜何須旁檐喜  
綰綰相對雨寒枝

右鵲

網羅無限稻粱微  
憐爾冥冥亦庶幾  
戲鴨眠鳬滿中沚  
衡陽無意更南飛

右雁

急風吹雪滿汀州  
迎臘淮南憶倦遊  
小鴨枯荷野艇冷  
去年今日凍高郵

右鴨

松菊堂讀史五首



不作文饒將相官野人亦罌黨人間籌邊措國俱無用  
空對平泉草木閑

吾慕斯人不以官會昌一夢中興間何須更作窮愁誌  
秋雨長時睡正閑

明光甲挫三言內悉怛謀虧一算間成敗關心不瞑目  
我今無此只應閑

平生精爽臯夔內一世功名貝錦間再夢令狐亦何事  
可能到死未心閑

當年伏地全揚李公亦何知愛惡間千古論心許公近  
百年歸意與誰閑

仲光寄紵袍

手裁白紵製新袍犢鼻應憐犬子勞倚仗衡門聊服此  
良人身不屬臨洮

寄家人

孟光家世自清芬鴻亦幽情慕隴雲汲水挽車歸去好  
茯苓日日長松根



雞肋集卷二十一

欽定四庫全書

雞肋集卷二十二目錄

絕句

子固席上雪得芟字

泊舟山陽偶題

及第後將謁告先歸留贈成甫

貴溪在信州城南其水西流七百里入江

遊龍虎山舟中望仙巖壁立千仞者不可上其

高處穴中徃徃如困倉棺槨云蓋仙人所居  
也余意大水人宅山上所作

泊思禪寺呈廖明略其地蓋干越寺在琵琶洲

上

和雒酒十二弟見降羌赴闕

和洛笋小發

叔與戲云謂我窮我嘗傷食從而嘲之

將別歷下二首

將行陪貳車觀燈

定陶舟中

栗區邨與无斃別

與子真諸人飲求仁不預作怨詩因戲答

題穀熟驛舍二首

送永嘉縣君回至鹿邑東門外作

謫宋徙亳初聞周璠琵琶

題伯時畫

虹縣逢无斁自玉山歸二首

省曹夢游山示无斁

東坡公以種松法授杜子師為作詩子師求同

賦

自畫山水留春堂大屏題其上

自畫山水寄正受題其上

次韻芸叟文潛體之觀音院題名

贈許體之



呈毅父提刑

十月九日初謁衛真太清宮二首

寄李成季

累得周同年鶚書

譙都對酒憶玉函山

題段吉先小景三首

綴古詩懷家

題僧曇秀鍾山雜詠後

赴齊州道中

題袁耕道所收小飛來

讀藺相如傳贈李甥師藺

雞肋集卷二十二目錄

欽定四庫全書

雞肋集卷二十二

宋 晁補之 撰

七言絕句

子固席上雪得芟字

新霜一夜草如芟  
午酌臨軒雪點衫  
不怕夷門清著骨  
故教詩句聳巉巖

泊舟山陽偶題

五歲淮山一夢新  
扁舟曾繫市橋春  
津亭石磴雙垂柳

見我依依似故人

及第後將謁告先歸留贈成甫

還家消息約薔薇  
眼看薔薇日日稀  
不踏龍頭遊碧落  
君恩許伴晚鶯歸

貴溪在信州城南其水西流七百里入江

玉山東去不通州  
萬壑千巖隘上游  
應會逐臣西望意  
故教溪水只西流

出遊龍虎山舟中望仙巖壁立千仞者不可上

其高處穴中往往如困倉棺槨云蓋仙人所  
居也余意大水人宅山上所作

稽天巨浸洗南荒尚有千峰骨立彊民未降邱應宅此  
舉頭天壁有困倉

泊思禪寺呈廖明略其地蓋干越寺在琵琶洲  
上

遲君干越思禪寺彌月忘歸住翠嵐忽見琵琶洲上月  
始驚金室在天南

和雒酒十二弟見降羌赴闕

二鳥蒙恩豈有知  
車書混一是昌期  
知君不化伊川祭  
右倚門牆恐見麾

和洛筍小發

叔夜青山肯長往  
不應石髓化山堅  
君會籜龍纔小發  
恐君心未老伊川

叔與戲云謂我窮我嘗傷食從而嘲之

羊踏胸中昨夜疏  
不應捫腹怪如壺  
婦家得餽猶須忍

莫索檳榔笑爾臞

將別歷下二首

來見紅蕖溢渚香  
歸塗未變柳梢黃  
殷勤趵突溪中水  
相送扁舟向汶陽

鴛鴦鸂鶒繞漁梁  
搖漾山光與水光  
不管使君征棹遠  
依然飛下舊池塘

將行陪貳車觀燈

行歌紅粉滿城歡  
猶作常時五馬看  
忽憶使君身是客

一時揮淚逐金鞍

定陶舟中

繚繞春堤去欲窮  
參差煙塢到還通  
依依潤柳侵晨雨  
細細吹花傍午風

栗區村與無斃別

十年投分皆卿相  
四海論心只弟兄  
昆老憶躬耕困隨牒  
春風揮淚栗區邨

與子真諸人飲求仁不與作怨詩因戲荅



結習徐看蕩劫灰  
天花從自落空堦  
似聞滿室唯澄水  
投礫何因出定來

題穀熟驛舍二首

驛後新蘿接短牆  
枯荷衰柳小池塘  
倦游對此忘行路  
徙倚軒窗看夕陽

一官南北鬢將華  
數畝荒池淨水花  
埽地開窗置書几  
此生隨處便為家

送永嘉君回至鹿邑東門外作

冬溫榆柳未全彫黃蝶飛飛綴野蒿華髮不堪悲世故  
斜川歸興滿東臯

謫宋徙亳初聞周璠琵琶

棗園慄慄檜廳寒醉倚琵琶倒鴟冠不似江州白司馬  
只成怨恨不成歡

題伯時畫

單于射獲明妃笑勸酌葡萄跪小胡不恨別宮昆莫老  
應憐超乘子南夫

虹縣逢無斁二首

自玉  
山歸

清河慘執汴河逢萬里悲歡一夢中  
不作常情問京雒  
魚山好在故園松

千載昌期尚此逢  
詢謀多在布韋中  
南歸已後鍾山集

猶憶君王代麀松

鄭譏對陳主鍾山陳  
主與松枝令代麀尾

省曹夢遊山示無斁

萬里歸來兄弟樂  
百年多病井廬思  
如何騎馬穿靴地  
只夢登山著屐時

東坡公以種松法授都梁杜子師并為作詩子

師求余同賦

不學栽檜業種松未慙履狶笑屠龍許君盡得東坡術  
已與先生一事同

長錐散子巖巖遍短竹扶條歲歲添待得烹茶有松葉  
不應更課木奴縑

佩牛未敢邀君出射虎何當許我從要看堂堂冠劍叟  
蒼然十萬甲夫中

自畫山水畱春堂大屏題其上

胸中正可吞雲夢，蓋裏何妨對聖賢。  
有意清秋一作扶筇入

衡霍為君

一作毛錐

無盡寫江天

自畫山水寄正受題其上

虎觀它年青汗手，白頭田畝未能閑。  
自嫌麥隴無佳思，戲作南齋百里山。

次韻芸叟文潛體之觀音院題名

壁上棲鴟粉剝紅，萍游無定得風同。  
故人妙墨何人識，

文豹依依霧雨中

贈許體之

樓下無心卧許公  
求田已約算年同  
詩來正值花如雪  
心事春風浩蕩中

呈毅父提刑

不酌公榮有意哉  
可能元亮此公儕  
但讀離騷政須酒  
不應須為菊花來

十月九日初謁衛真太清宮二首

虛庭下拜初形肅祕殿瞻容更魄驚何必囊函窺至妙  
始知塵垢負平生

帷間角塵千年白庭下髯獮一點青當日棄雲無馬跡  
只今遺木盡龍形

寄李成季

聞驅傳節向秦關何日重來玉筍班猶勝譙都拙司馬  
苦無官況不教閑

累得周同年鶚書

譙都司馬拙依然翻手為雲絕可憐唯有鳳翔周錄事  
手書連月寄同年

譙都對酒憶王函山

齊州西樓對此山

不遣西樓對玉函宋譙頻綴副車銜今年重汙花前酒  
猶是揚州別駕衫

題段吉先小景三首

慘澹天雲欲雨低秋山人靜鳥聲稀似聞谷響飛黃葉  
恐有孫登半嶺歸



人生何事踏塵埃閒處胸襟足自開不作終南養高價  
小山幽桂好歸來

碧天無際日悠悠風靜沙平不見洲彭浪磯邊亦如此  
危峯獨木繫扁舟

綴古詩懷家

二月已破三月來蝴蝶忽然滿芳草正是歸時君不歸  
及至君來花又少

題僧曇秀鍾山雜咏二十首後

明珠出袖四百琲坐有煙霞草木香斷取鍾山擎石掌  
那知不下淨名床

赴齊州道中


淮南蒙古鬢毛斑乞得東秦慰病顏曉整輕鞍汶陽北  
却衝微雨看青山

題袁耕道所收小飛來

藏山常恐負而走壺中九華安在哉憶似冷泉亭畔見  
為君題作小飛來

讀藺相如傳贈李甥師藺

蚩蚩六國共憂秦獨有相如  
智不羣完璧東歸何足道  
最賢能下怒將軍



雞肋集卷二十二

欽定四庫全書

集部

雞肋集卷二十三至五

詳校官庶吉士

臣初喬齡

侍讀臣孫球覆勘

覆校官主事

臣李駿

校對官中書

臣王鍾泰

謄錄監生

臣畢所誦

欽定四庫全書

雞肋集卷二十三目錄

挽辭

欽聖皇后挽辭二首

欽慈皇后挽辭二首

王拱辰太尉挽辭二首

趙開祖挽辭一首

蔡州叔父金部挽辭五首

蔡州叔父金部挽辭別二首

秦國夫人挽辭安門下母二首

秦國夫人挽辭三首

任承制挽辭

雞肋集卷二十三目錄

欽定四庫全書

雞肋集卷三十二

宋 晁補之 撰

挽辭

欽聖皇后挽辭二首

神開大馬表坤祺象配黃龍耀母儀  
艱棘從權非本意  
憂勤復辟竟先期  
欲書皇極異倫事  
不在關雎卷耳詩  
陵作因山名改聖  
君王仁孝自生知

蒼黃大策中先定  
洵涌姦言外獨驚  
可但觸山憂地坼



只應鍊石見天成江湖自昔波濤遠日月如今晝夜明  
盡作兒啼送文母不知簫鼓若為聲

欽慈皇后挽辭二首

仙馭飄飄不可尋西陵寶冊綈衣衾禮遵章懿因仁志  
謚酌欽慈自聖心感泣萬人隨遣奠恩勤千古詠徽音  
一言能使民忠勸要識吾君孝治深

弓韉它年事炳靈紅光滿室衆潛驚人言薄氏誠君子  
天與文皇兆大橫聖有至情風不止邦傳慶祚日重明

百神陪扈朝陵寢想像登輿動珮聲

王拱辰太尉挽辭二首

賈山辭賦妙升堂十八高名擅雒陽  
遭主聖人千載事濟時賢獻萬夫望  
已加壇上將軍鉞未促齊中相國裝  
曾有新詩介耆壽悲歌何忍送歸牆

童年已切耆英慕壯歲初陪後棄遊  
衛幕縶弓皆廣建梁筵進牘竝枚鄒  
雲臺生面丹青古馬鬣新封草木秋  
是事公應付蜩甲蒼霞誰見揖浮邱

趙開祖挽歌辭

萬里歸來兩鬢霜  
故人如玉閼幽堂  
淒涼長古無題句  
冥默淮南未試方  
空復藏書如冊府  
何由載酒更僧坊  
諸郎文字能傳業  
開府風流未渠央

蔡州叔父金部挽歌辭五首

文詞蚤歲諸儒上  
操行當朝國士期  
清世急賢千載事  
白頭齋志一州麾

省中共襍青綾出  
關內同驅五馬行  
何許書來一千里

西風淮上淚縱橫

青史他年羨二疏  
功成脫屣向迷塗  
薄遊竟後拋官約  
常愧都門長大夫

聞道一廛親卜築  
亦求百畝伴鉏犁  
那知湖海歸來日  
只及鄉閭會葬時

竝直儀曹前後廳  
當簷種竹已青青  
平生不試南宮筆  
可忍圖公地下銘

蔡州叔父金部挽辭別二首

書來猶勸還鄉早路梗誰令去棹遲曾綴鏘金拜先壘  
可堪扱衽送靈輶

學比我公常恐後身於餘子似蒙知心驚竝直儀曹夜  
淚盡孤吟海浦時

秦國夫人挽辭安門下母二首

瓜瓞傳仙裔鳴鳩婉積功龍章看子貴鶴髮與夫同揄  
翟丹青裏珠襦鼓吹中秋原送車淚斜日起西風

城南塞冠蓋哀挽送何人吉卜郊連浚恩封國號秦桓

碑空復古蒿里不知春應奪居廬念朝廷佇弼臣

秦國夫人挽辭三首

指李仙源後興唐帝胄餘家傳湖北句人誦嶺南書知  
子唯賓客揚名屬起居平生操史筆遺事一款歡

相國家風獨夫人壺範如寶珣宜服象文錦合軒魚感  
慨溫成議光華慶壽餘非夫聞敵退應愧此生虛

酷好春秋學親書列女篇胡兒吟敢竝逸少字方傳餘  
事猶閨範高材自世賢凱風君莫誦秋栢已成阡

任承制挽辭劉校勘學求作

生業清談外浮名痛飲餘誰令力如虎坐使食無魚壁  
冷猶鳴劍床空未卷書呻吟待河潤秋柏只遺墟

雞肋集卷二十三